

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

- 1. Pinngortitaleriffiup Tunumi qilalukkanik qernertanik kisitsisimanera kingulleq qanoq takissutissaqarpa aammalu sumut killeqqava?**
- 2. Qilalukkanik qernertanik kisitsinerup paasissutissartai qaqugu NAMMCO-mut akuerisassanngorlugit saqqummiunneqassappat, aamma akuerineqarnissaa qaqugukkut naatsorsuutigineqarsinnaava?**
- 3. Misissuinermi paasissutissatut katersat tunngavigalugit naatsorsuutigineqarsinnaava qilalukkanik qernertanik pisassat Tasiilamut Ittoqqortoormiinnullu qaffaavigineqassasut?**

(Inatsisartuni ilaasortaq, Laura Táunâjik, Siumut)

Tunngavilersuutit:

Pinngortitaleriffiup biologiisa siunnersuineratigut siunnersuinerminni qilalukkanik qernertanik pisassat eqqarsaatigalugit 2016-2020 (november 2015) nalilersimavaat, Nunatta tamarmiusup ataatsimut isigalugu qilalukkanik qernertanik 96-inik amerlineqarsinnaasut pisassat katillugit 490-nngortillugit.

Taamaattoq qilalukkatigut pisassat eqqarsaatigalugit Pinngortitaleriffiup innersuuppai Tasiilami Ittoqqortoormiinnilu pisassat ikilisarneqassasut. Tamatumani pissutaavoq Tunumi qilalukkanik 2008-ip kingorna qilalukkanik qernertanik kisitsisoqarsimannngimmat.

Pinngortitaleriffiup kingusinnerusukkut Tunup sineriaani timmisartukkut qilalukkanik qernertanik kisitsisimapput. Kisitsineq august 2016-imi ingerlanneqarsimavoq.

Naalackersuisut §37 najoqqutaralugu apeqquteqaateqarninni akissuteqaataani februar 2016-imeersumi ilumoornerarsimavaat, Pinngortitaleriffiup biologiisa siunnersuineratigut qilalukkanik qernertanik 2016-2020 Tasiilami Ittoqqortoormiinnilu nutarterisoqassasoq, nutaamik kisitsisoqareerpat. Naalackersuisut tamatumani nalunaarutigaa, Tunumi biologit nutaamik kisitereerpat, nutaamik siunnersuisoqarsinnaassasoq tamannalu siusinnerpaamik 2017-ip ingerlanerani piimaartoq. Tamatumani patsisaasut tassaanerarpaat paasissutissat katersat misissorneqaqqaartussaammata kingornalu NAMMCO Ilisimatusarnikkut Ataatsimiititaliaa aammalu NAMMCO Siunnersuisoqatigiivi akuersisussaammata. NAMMCO-p qilalukkat pillugit nalileeqqinnissaa taamani pilersaarutaasimavoq 2017-imi piimaartoq.

Ukioq ataaseq ingerlatsiareersorlu (december 2016) Naalackersuisut §37 najoqqutaralugu apeqquteqaammut akissuteqarnerminni (§ 37 nr. 280/2016) nalunaarput, Pinngortitaleriffiup biologiisa siunnersuineratigut Tunu eqqarsaatigalugu nutaamik aalajangiisoqarumaartoq siusinnerpaamik 2018-imi pinissaa naatsorsuutigineqalerluni.

Naalakkersuisut akissuteqaataani ersinngilaq sooq suliassaq kinguartinneqarsimansoq.

Tamanna tunulequtaralugu killiffimmik nutaamik perusuppunga, paaserusullugu Tunumut tunngatillugu Pinngortitaleriffiup biologiisa siunnersuineratigut aalajangersaaneq qaqugu naammassisinnaassanngatinneqarnersoq. Ilanngullugu paaserusuppara, paasissutissat katersat tunngavigalugit oqartoqareersinnaanersoq, qilalukkanik qernertanik pisassanik Tasiilami aammalu Ittoqqortoormiini qaffaavigineqassasut.

Kissaatigaara apeqqutiga ullut suliffiusut 10 ingerlaneranni akineqassasoq.